



浙江圖書館

國語第八

吳

夫王夫差起師伐越越王句踐起師逆之江大夫

種乃獻謀曰夫吳之與越唯天所授王其無庸戰

夫申胥華登簡曰夫吳之與越唯天所授王其無庸戰

控也夫一人善百夫善夫於甲兵而未嘗有所

見成事焉而後履之不可授命王不如設戎約

辭有成以喜其民以廣後吳王之心吾以卜之於

天天若棄吳必許吾成而不吾足也將貳寬然有



浙江圖書館



浙江圖書館

國語第八

吳

篇注

音序

起語更端用
四夫不唯節
奏亦自具法

百鍊精金

唯天下之至
柔馳騁天下

之至堅

似謂不以得
越為急

吳王夫差初佳起師伐越越王勾踐居侯起師逆之江大夫

種章勇乃獻謀曰夫吳之與越謀計唯天所授王其無庸戰

夫申胥華登簡服吳國之士於甲兵而未嘗有所

挫也夫一人善射百夫決拾勝未可成夫謀必素

見成事焉而後履之不可以授命王不如設戎約

辭行成以喜其民以廣侈吳王之心吾以卜之於

天天若棄吳必許吾成而不吾足也將必寬然有



致命

心孤之孤猶
孤離腐鼠之

伯諸侯之心焉。既罷敝其民而天奪之食，安受其
 燼。乃無有命矣。越王許諾，乃命諸稽郢行成於吳。
 曰：寡君句踐使下臣郢，不敢顯然布幣行禮，敢私
 告於下執事。曰：昔者越國見禍，得臯於天王。天王
 親趨玉趾，以心孤句踐，而又宥赦之。君王之於越
 也，繫起死人而肉白骨也。孤不敢忘天災，其敢忘
 君王之大賜乎？今句踐申禍無良，草鄙之人敢忘
 天王之大德，而思邊垂之小怨，以重得臯於下執
 事。句踐用帥二三之老親，委重臯頓顙於邊。今君

筆市葢切又之葢切

介音性一作

介按字書無

介字疑即介

誤

擗苦骨切內傳作胡忽切

此皆連下為一章

王不察盛怒屬兵將殘伐越國越國固貢獻之邑

也君王不以鞭箠使之而辱軍士使寇令焉更不着語句踐

請盟一介嫡女執箕箒以眩該姓於王官一介嫡男

奉槃盤匝以隨諸御春秋貢獻不解於王府天王豈

辱裁之亦征諸侯之禮也夫諺曰狐埋之而狐搯

之是以無成功今天王既封殖越國以明聞於天

下而又刈亡之魚是天王之無成勞也雖四方之諸

侯則何實以事吳敢使下臣盡辭唯天王秉利度

義焉

魯定十四年。吳伐越。越敗之於構李。闔廬傷而死。後三年。夫差伐越。報構李也。越逆諸江。至於五湖。吳人大敗之於夫椒。遂入越。越子以甲楯五千。保於會稽。申胥。伍子胥也。名負。負奔吳。吳子與之申地。故曰申胥。華登。宋華費遂之子。華氏作亂於宋而敗。登奔吳為大夫。簡習也。決。鈞弦也。拾。捍也。言申胥華登善用兵。眾必化之。猶一人善射。而百夫競著。決。拾而倣之也。授命。猶鬪命也。設。戎設兵自守。約。辭卑約其辭。行成。求平也。不吾足。言越不足畏也。燼。餘也。孤。棄也。繫。是也。申。重也。思。邊。垂之。小怨。言吳侵越之邊。垂心懷怨恨也。重。得罪。謂報見侵。委。猶歸也。邊。邊境。寇令。若禦寇之號令。一介。一人。駭。備也。曲。禮曰。納女於天子曰備。百姓。捐。發也。明。聞。顯。聞也。芟。草曰刈。勞。功也。

吳王夫差乃告諸大夫曰。孤將有大志於齊。吾將

善論

幸法

許越成而無拂吾慮若越既改吾又何求若其不
改反行吾振旅焉申胥諫曰不可許也夫越非實
忠心好吳也又非懾畏吾甲兵之彊也大夫種勇
而善謀將還玩吳國於股掌之上以得其志夫固
知君王之蓋威以好勝也故婉約其辭以從逸王
志使淫樂於諸夏之國以自傷也使吾甲兵鈍弊
民人離落而日以憔悴然後安受吾燼夫越王好
信以愛民四方歸之年穀時孰日長炎炎及吾猶
可以戰也為虺弗摧為蛇將若何吳王曰大夫奚

隆於越。越曾足以為大虞乎。若無越，則吾何以春
秋。曜吾軍士，乃許之。成將盟。越王又使諸稽郢辭
曰：以盟為有益乎？前盟口血未乾，足以結信矣。以
盟為無益乎？君王舍甲兵之威，以臨使之，而胡重
於鬼神而自輕也。吳王乃許之。荒成不盟。

拂絕也。還轉也。玩弄也。虺，小蛇。荒，空也。

江

吳王夫差既許越成，乃大戒師徒，將以伐齊。申胥
進諫曰：昔天以越賜吳，而王弗受。夫天命有反，今
越王句踐恐懼而改其謀，舍其愆令，輕其征賦，施

善論

通司音伺古字

叔事

五辭

沮子餘切內
傳作睢

民所善去民所惡身自約也句法裕其衆庶其民殷衆
 以多甲兵譬越之在吳也猶人之有腹心之疾也
 夫越王之不忘敗吳於其心也句法戚然服士以司吾
 聞今王非越是圖而齊魯以為憂夫齊魯譬諸疾
 疥癬也豈能涉江淮而與我爭此地哉將必越實句法
 有吳土王盍亦鑑於人無鑑於水昔楚靈王不君
 其臣箴諫以不入乃築臺於章華之上闕為石郭其音
 陂漢以象帝舜罷弊楚國以閒陳蔡不修方城之
 內踰諸夏而圖東國三歲於沮汾以服吳越其民句法

不忍饑勞之殃三軍畔王於乾谿王親獨行屏營

傍惶於山林之中三日乃見其消人疇王呼炎之曰

余不食三日矣疇趨而進王枕其股以寢於地王

寤疇枕王以撲而去之王覺而無見也乃匍匐將

入棘園棘園不納乃入芋尹申亥氏焉王縊申亥

負王以歸而土埋之其室此志也豈遽忘於諸侯

之耳乎今王既變鮪禹之功而高高下下以罷民

於姑蘇天奪吾食都鄙荐饑今王將狼天而伐齊

夫吳民離矣體有所傾譬如羣獸然一个負矢將

撲音撲又音朴

高之下白法奇甚

百羣皆奔王其無方收也越人必來襲我王雖悔
之其猶有及乎王弗聽十二年遂伐齊齊人與戰
於艾陵齊師敗績吳人有功

闕穿也。陝壅也。舜葬九嶷其山體水旋其丘下。故壅漢水使旋石郭以象之。閒侯其隙而取之也。沮汾楚東鄙。涓人今中涓也。堞塊也。棘楚邑。闔門也。志記也。高高起臺榭。下下深汚池。

吳王夫差既勝齊人於艾陵乃使行人奚斯釋言
於齊曰寡人帥不腆吳國之役遵汶之上不敢左
右唯好之故今大夫國子與其衆庶以犯獵吳國
之師徒天若不知有臯則何以使下國勝

獵以獵獸之
獵解云表也
恐非

國語 吳

柳宗元曰伍子胥非吳之昵親也其始交闔閭以道故向其謀今於嗣君已不合言見進則讒者勝國無可救者於是焉去之可也出則以怨累於人而又入以即死是固非吾之所知也然則負者寡狠人也歟

戰於艾陵。吳獲齊國書。釋解也。以言自解。歸非於齊也。不敢左右。暴掠齊民。唯有恩好之故耳。

吳王還自伐齊。乃訊申胥曰。昔吾先王體德聖明。達於上帝。譬如農夫作耦。以刈殺四方之蓬蒿。以立名於荆。此則大夫之力也。今大夫老而又不自安恬逸。而處以念惡。出則辜吾衆。撓亂百度。以妖孽吳國。今天降衷於吳。齊師受服。孤豈敢自多。先王之鐘鼓寔式靈之。敢告於大夫。申胥釋劍而對曰。昔吾先王世有輔弼之臣。以能遂疑。計惡以不陷於大難。今王播棄黎老。而孩童焉比謀。曰余令

善論

而不違夫不違乃違也夫不違亡之階也夫天之
所棄必驟近其小喜而遠其大憂王若不得志於
齊而以覺寤王心吳國猶世吾先君之得之也必
有以取之其亡之也亦有以棄之用能援特盈以
沒而驟救傾以時今王無以取之而天祿亟至是
吳命之短也負不忍稱疾辟易以見王之親爲越
之禽也負請先死將死曰而縣吾目於東門以見
越之入吳國之亡也遂自殺王慍曰孤不使大夫
得有見也乃使取申胥之尸盛以鴟夷而投之於

江

二耜為耦。言子胥佐闔廬。其猶耕者之有耦。以成其事也。立名於荆。謂敗楚於柏舉。式用也。靈神也。遂決也。計慮也。黎凍黎黎。壽徵也。猶世猶繼世也。盈滿也。沒終也。以時不失時也。辟易狂疾。鳴夷。

革囊

書

吳王夫差既殺申胥不稔於歲乃起師北征闕為

是骨

深溝於商魯之間北屬之沂西屬之濟以會晉公

午於黃池於是越王句踐乃命范蠡舌庸率師沿

海沂淮以絕吳路敗王子友於姑熊夷越王句踐

乃率中軍沂江以襲吳入其郛焚其姑蘇徙其大

古如字內傳
作后非

善論章法

俞羊茹切或為愈

舟吳晉爭長未成邊遽其據乃至以越亂告吳王懼乃
 合大夫而謀曰越為不道背其齊盟今吾道路悠
 遠無會而歸與會而先晉孰利王孫雄曰夫危事
 不齒雄敢先對二者莫利無會而歸越聞章矣民
 懼而走遠無正就齊宋徐夷曰吳既敗矣將來溝
 而廢我我無生命矣會而先晉晉既執諸侯之柄
 以臨我將成其志以見天子吾須之不能去之不
 忍若越聞俞章吾民恐畔必會而先之王乃步就
 王孫雄曰先之圖之將若何王孫雄曰王其無疑

王孫雄能決
策片時以先
晉而不能謀
之數年以退
越其智不足
稱也

吾道路悠遠必無有二命焉可以濟事王孫雄進

有境

顧揖諸大夫曰危事不可以為安死事不可以為

生則無為貴知矣民之惡死而欲貴富以長沒也

與我同雖然彼近其國有遷我絕慮無遷彼豈能

空喚

與我行此危事也哉事君勇謀於此用之今夕必

徒了

挑戰以廣民心請王厲士以奮其朋勢勸之以高

位重畜備刑戮以辱其不厲者令各輕其死彼將

不戰而先我我既執諸侯之柄以歲之不獲也無

胡郭

有誅焉而先罷之諸侯必說既而皆入其地王安

封者封疆之
封作衛字意
解似之而非

令或當從去
聲戒令即下
令

挺志○句○法○抄○境○抄○據一日惕一日留以安步王志必設以此民也

封於江淮之間乃能至於吳吳王許諾
稔熟也。闕穿也。商宋也。沿順也。逆流而上曰沂。
循海而逆入於淮以絕吳王還歸之路。江吳江
也。邪郭也。長先也。成定也。遽傳軍也。先晉令晉
先歆齒年也。不齒不以年次對。正適也。旁擊曰
廢。以見天子以侯伯之禮見天子也。俞益也。長
沒老終也。朋羣也。獲救也。誅責也。不責諸侯之
貢賦。罷遣諸侯。令先歸也。入其地入其國境。挺
寬也。惕疾也。留徐也。步行也。設以此民封於江
淮間以恐之。
必速至也

吳王昏乃戒令秣馬食士夜中乃令服兵胡慣擐甲計係
馬舌出火竈陳士卒百人以為徹行百行行頭皆

袍音孚或音浮

陣圖

國言

官帥擲鐸拱稽建肥胡奉文犀之渠十行一嬖大

夫建旌提鼓挾經秉袍十旌一將軍載常建鼓挾

經秉袍為萬人以為方陳皆白常白旂素甲白羽

之則登形增望之如荼王親秉鉞載白旗以中陳而立左

軍亦如之皆赤常赤旗余丹甲朱羽之增望之如火

右軍亦如之皆玄常玄旗黑甲烏羽之增望之如

墨為帶甲三萬以勢攻雞鳴乃定既陳去晉軍一

里昧明王乃秉袍親就鳴鐘鼓丁寧述倫于振鐸勇

怯盡應三軍皆譁卸以振旅其聲動天地晉師大

唐順之曰讀
內傳湏着他
下字構辭如
商彝周鼎讀
外傳只看他
布格叙事如
老將用兵不
失尺寸如此
篇叙劫盟處
儘整齊儘周
悉儘善禽縱

於命

此進退似只
謂當時會事

駭不出周軍飭壘乃令董褐請事曰兩君偃兵接
好日中為期今大國越錄而造七到於敝邑之軍壘敢
請亂故吳王親對之曰天子有命周室卑約貢獻
莫入上帝鬼神而不可以告無姬姓之振也徒遠其據
來告孤日夜相繼匍匐就君君今非王室不安平
是憂億負晉衆庶不式諸戎翟楚秦將不長弟以
力征一二兄弟之國孤欲守吾先君之班爵進則
不敢退則不可今會日薄矣恐事之不集以為諸
侯笑孤之事君在今日不得事君亦在今日為使

橋李之戰越人使罪人三行自剄以誤吳

辭命

者之無遠也孤用親聽命於藩籬之外董褐將還

王稱左畸居曰攝少司馬便茲與王士五人坐於王前

乃皆進自剄於於客前以酬客董褐既致命乃告諸

趙鞅曰臣觀吳王之色類有大憂小則嬖妾嫡子

死不則國有大難大則越入吳將毒不可與戰主

其許之先無以待危然而不可徒許也○抄○音○抄○致○趙鞅許諾

晉乃令董褐復命曰寡君未敢觀兵身見使褐復

命曰曩君之言周室既卑諸侯失禮於天子請貞

於陽卜收文武之諸侯孤以下密邇於天子無所

逃。臯訊讓日至曰：昔吳伯父不失春秋，必率諸侯以顧在余一人。今伯父有蠻荆之虞，禮世不續，用命孤禮，佐周公以見我。官一二兄弟之國，以休君憂。今君掩王東海，以淫名聞於天子，君有短垣而自踰之，況蠻荆則何有於周室？夫命圭有命，固曰吳伯不曰吳王。諸侯是以敢辭，夫諸侯無二君而周無二王。君若無卑天子以干其不祥，而曰吳公孤，敢不順從君命。長弟許諾，吳王許諾，乃退就幕而會。吳公先歆，晉侯亞之，吳王既會，越聞俞章恐齊。

宋之為已害也。乃命王孫雄先與勇獲帥徒師以
為過賓於宋。以焚其北郭焉。而過之。

秣粟。服執。擗貫也。係馬之舌。恐有聲。出火於竈。
以自照。徹通也。以百人通為一行。官帥上士。擗
抱也。抱鐸者。亦恐有聲也。稽計兵名籍也。周禮
聽師田以簡稽。肥胡。幡也。文犀之渠。謂楯也。文
犀。犀之有文理者。析羽為旌。在掖曰挾。經。兵書
也。日月為常。建鼓之鼓。晉鼓也。周禮。將軍執晉
鼓。建。謂為之楹而樹之。交龍為旂。矰。矢名。茶。茅
秀也。熊虎為旗。鳥隼為旟。帶甲。衿。鎧。丁。寧。謂鉦
也。罇。于。與鼓相應。軍行鳴之。譁。卸。謹。呼也。周。繞
也。飭。治也。錄。次第也。亂。故。先。期。亂。次。之。故。徒。步
也。遽。傳車也。億。安也。負。恃也。安。恃。其。衆。而。不。用
以。征。伐。戎。翟。秦。楚。之。卑。周。者。弟。言。幼。也。不。長。弟。
言。晉。不。帥。長。幼。之。節。而。征。伐。同。姓。兄。弟。之。國。謂
魯。衛。之。屬。進。則。不。敢。不。敢。過。先。君。也。退。則。不。可。

亦不可不及也。薄迫也。集成也。藩離碧落也。左
畸。軍左部。稱呼也。攝執也。少司馬茲。與王士五
人。皆擧人死士。到到也。酬報也。將報客。使死士
自到。以示其威行。軍士用命也。主謂趙鞅。徒空
也。不徒許。宜有辭義。真正也。龜曰卜。以火發兆。
故曰陽。言吳欲正陽卜。收復文王武王之諸侯
以奉天子。孤以下。晉辭也。昔吳伯父。至禮世不
續。晉述天子告讓之言。同姓元侯曰伯父。昔吳
伯父。吳先君也。今伯父。謂夫差。言夫差有蠻荆
之備。廢朝聘之禮。不得繼世。嗣前人之職。故命
晉以禮佐助周公。與兄弟之國相見。令朝聘天
子。休君憂息周之憂。淫猶僭也。名號也。垣喻禮
防。雖短。不可踰也。王室雖卑。不可僭也。吳姬姓
而自僭號。況於蠻荆。有何義於周室而不為乎。
命圭。受賜圭之策命。敢辭。辭不事吳也。長弟。猶
云先後也。幕帳也。徒師步卒也。託為過賓而焚
其郭。去其守
備。使不敢出

辭命

三

吳王夫差既退於黃池，乃使王孫苟告勞於周曰：昔者楚人爲不道，不承共王事，以遠我。一二兄弟之國，吾先君闔廬不貫，不忍被甲帶劍，挺鉞指鐸，以與楚昭王毒逐於中原。柏舉天舍其衷，楚師敗績，王去其國，遂至於郢。王總其百執事，以奉其社稷之祭。其父子昆弟不相能，夫槩王作亂，是以復歸於吳。今齊侯任不鑒於楚，又不承共王命，以遠我。一二兄弟之國，夫差不貫，不忍被甲帶劍，挺鉞指鐸，遵汶伐博，登笠相望於艾陵。天舍其衷，齊師

還夫差豈敢自多文武實舍其衷歸不稔於歲余
沿江沂淮闕溝其溝深水出於商魯之間以徹於兄弟
之國夫差克有成事敢使苟官告於下執事周王答
曰苟伯父命女來明紹享余一人若余嘉之昔周
室逢天之降禍遭民之不祥余心豈忘憂卹不唯
下土之不康靖今伯父曰勳力同德伯父若能然
余一人兼受而介福伯父多歷年以沒元身伯父
秉德已侈大哉

勞功也。貫。赦也。挺。拔也。指。振也。王。總之。王。賈侍
中云。往也。昭謂王闔廬也。賈君以爲告天子。不

宜稱王。故云往。然下言夫槩王。不避天子。故知稱王為闔廬也。夫槩闔廬之弟。傳曰。夫槩王先歸自立。故不能定楚而歸。蒼夫須也。蒼笠。備雨器。紹繼也。享獻也。繼先王之禮。獻我一人。我心誠嘉之也。遭民之不祥。謂民流厲王於彘。及子朝篡立。成周之民助子朝者。不唯下土之不康靖。言不但憂四方。乃憂王室也。勦力并力也。介大也。元善也。侈猶廣也。

篇法

鹿通作麓
羸落戈切亦
作罍

吳王夫差還自黃池。息民不戒。越大夫種乃倡謀曰。吾謂吳王將遂涉吾地。今罷師而不戒。以忘我。我不可以怠也。日臣嘗卜於天。今吳民既罷。而大荒荐饑。市無赤米。而困鹿空虛。其民必移就蒲羸。於東海之濱。天占既兆。人事又見。我蔑卜筮矣。王

渠頤

隋法

中國或建國
中

若今起師以會奪之利無使失悛夫吳之邊鄙遠者罷而未至吳王將恥不戰必不須至之會也而以中國之師與我戰若事幸而從我我遂踐其地其至者亦將不能之會也官已吾用禦兒臨之吳王若慍而又戰幸遂可出若不戰而結成王安厚取名而去之越王曰善哉乃大戒師將伐吳楚申包胥使於越越王句踐問焉曰吳國爲不道求殘我社稷宗廟以爲平原弗使血食吾欲與之古堯徼天之衷唯是車馬兵甲卒伍旣具無以行之請問戰奚

自營劑問魯
莊

辭繁而未工

以而可也。胥辭曰：不知。王固問焉。乃對曰：夫吳良國也。能博取於諸侯。敢問君王之所以與之戰者。王曰：在孤之側者。觴酒豆肉。簞食未嘗敢不分也。飲食不致味。聽樂不盡聲。求以報吳。願以此戰。包胥曰：善則善矣。未可以戰也。王曰：越國之中。疾者吾問之。死者吾葬之。老其老。慈其幼。長其孤。問其病。求以報吳。願以此戰。包胥曰：善則善矣。未可以戰也。王曰：越國之中。吾寬民以子之。忠惠以善之。吾修令。寬刑。施民所欲。去民所惡。稱其善。掩其惡。

唐順之曰包胥之意重在勇蓋勸越之決於斃吳也若智仁則上數者已兼之矣

求以報吳願以此戰包胥曰善則善矣未可以戰也王曰越國之中富者吾安之貧者吾予之救其不足裁其有餘使貧富皆利之求以報吳願以此戰包胥曰善則善矣未可以戰也王曰越國南則楚西則晉北則齊春秋皮幣玉帛子女以賓服焉未嘗敢絕求以報吳願以此戰包胥曰善哉蔑以加焉然猶未可以戰也夫戰知爲始仁次之勇次之不知則不知民之極無以銓度天下之衆寡不仁則不能與三軍共饑勞之殃不勇則不能斷疑

以發大計。越王曰：諾。越王句踐乃召五大夫曰：吳爲不道，求殘吾社稷宗廟，以爲平原，不使血食。吾欲與之，徼天之衷。唯是車馬兵甲卒伍，旣具，無以行之。吾問於王孫包胥，旣命孤矣。敢訪諸大夫，問戰奚以而可？句踐願諸大夫言之，皆以情告，無阿孤。孤將以舉大事。大夫舌庸乃進對曰：審賞則可以戰乎？王曰：聖。大夫苦成進對曰：審罰則可以戰乎？王曰：猛。大夫種進對曰：審物則可以戰乎？王曰：辨。大夫蠡進對曰：審備則可以戰乎？王曰：巧。大夫

有境

奇事奇報

臯如進對曰審聲則可以戰乎王曰可矣王乃命
 有司大令於國曰苟任戎者皆造於國門之外王
 乃令於國曰國人欲告者來告告孤不審將為戮
 不利過及五日必審之過五日道將不行王乃入
 命夫人王背屏而立夫人向屏王曰自今日以後
 內政無出外政無入內有辱是子也句法外有辱是我
 也吾見子於此止矣王遂出夫人送王不出屏乃
 闔左闔填之以土去筭側席而坐先到不埽王背檐而
 立大夫向檐王命大夫曰食土不均地之不修內

有辱於國是子也軍士不死外有辱是我也自今
 日以後內政無出外政無入吾見子於此止矣王
 遂出大夫送王不出檐乃闔左闔填之以土側席
 而坐不埽王乃之壇列鼓而行之至於軍斬有臯
 者以徇曰莫如此以環也尚填通相問也明日徙舍斬
 有臯者以徇曰莫如此不從其伍之令明日徙舍
 斬有臯者以徇曰莫如此不用王命明日徙舍至
 於禦兒斬有臯者以徇曰莫如此淫逸不可禁也
 王乃命有司大徇於軍曰有父母者老而無昆弟

雅字

也尚

已止也其歸
若已猶云或
歸於國或止
於此不必從
戎也

者以告王親命之曰我有大事子有父母者老而
子為我死子之父母將轉於溝壑子為我禮已重
矣子歸沒而父母之世後若有事吾與子圖之明
日徇於軍曰有兄弟四五人皆在此者以告王親
命之曰我有大事子有昆弟四五人皆在此事若
不捷則是盡也擇子之所欲歸者一人明日徇於
軍曰有眩瞽之疾者告王親命之曰我有大事子
有眩瞽之疾其歸若已後若有事吾與子圖之明
日徇於軍曰筋力不足以勝甲兵志行不足以聽

雅字

官

戰國策兩軍
交和而舍注
云軍門曰和
其後和恐是
與兵地之守
者交兵相接
耳作上下相
和解不應下
復有虛行不
梁者矣

陣法

命者歸莫告明日遷軍接。蘇斬有鼻者以徇曰莫
如此志行不果於是人有致死之心王乃命有司
大徇於軍曰謂二三子歸而不歸處而不處進而
不進退而不退左而不左右而不右身斬妻子鬻
於是吳王起師軍於江北越王軍於江南越王乃
中分其師以爲左右軍以其私卒君子六千人爲
中軍明日將舟戰於江及昏乃令左軍銜枚泝江
五里以須亦令右軍銜枚踰江五里以須夜中乃
令左軍右軍涉江鳴鼓中水以須吳師聞之大駭

吳命

簡質然喜不
盡

曰越人分爲二師將以夾攻我師乃不待旦亦中
分其師將以禦越越王乃令其中軍銜枚潛涉不
鼓不譟以襲攻之吳師大北越之左軍右軍乃遂
涉而從之又大敗之於沒又郊敗之三戰三北乃
至於吳越師遂入吳國圍王宮吳王懼使人行成
曰昔不穀先委制於越君君告孤請成男女服從
孤無奈越之先君何畏天之不祥不敢絕祀許君
成以至於今今孤不道得辜於君王君王以親辱
於孤之敝邑孤敢請成男女服爲臣御越王曰昔

白音鈎內傳
九具切

天以越賜吳而吳不受。今天以吳賜越，孤敢不聽天之命而聽君之令乎？乃不許成。因使人告於吳。王曰：天以吳賜越，孤不敢不受。以民生之不長，王其無死，民生於地上，寓也。其與幾何？寡人其達王於甬句東。夫婦三百，唯王所安。以沒王年，夫差辭曰：天既降禍於吳國，不在前後，當孤之身，實失宗廟社稷。凡吳土地人民，越既有之矣。孤何以視於天下？夫差將死，使人說於子胥曰：使死者無知，則已矣。若其有知，吾何面目以見負也？遂自殺。越滅。

與齊語結句
同法同意

吳上征上國。宋鄭魯衛陳蔡執王之君皆入朝。夫
唯能下其羣臣以集其謀故也。

圓曰囿。方曰鹿。蒲深蒲也。不須至之會。不待遠
兵也。中國國都也。從我言從我而戰也。將不能
之會。言吳邊鄙雖來。將不能會戰。禦兒越北境。
今嘉興。吳邊鄙兵若至。以禦兒之民臨敵之。遂
可出使。出奔也。申包胥。楚大夫。王孫包胥也。銓
稱也。阿。曲從也。審物。說云。別物善惡。韋氏云。謂
旌旗物色徽幟之屬。辨別也。備守禦之備。聲謂
鐘鼓進退之聲。聲不審。則衆惑也。必審之。使孰
思計之也。道術也。過五日則晚矣。軍當出也。故
術將不行。闔左闔閉。陽開陰。示幽也。去筭。去飾
也。側。猶特也。禮。憂者側席而坐。檐。說云。檐。屋外
邊壇也。唐尚書云。屋名也。韋云。檐。謂之檐。檐。門
戶掩陽也。壇。列在野。所以講列士衆。誓告之處。
環。金玉之環。璵。塞耳。問。遺也。通行賂以亂軍也。

子爲我禮已重。言去父母而來也。若已之若汝也。已止也。接。餼上下皆餼也。江吳江。去吳五十里。須須後命也。不言越委制於吳。而言先委制於越。謙而反之也。其與幾何言幾何時。甬句東東海口外洲。上國中國也。

皇明萬曆己未仲秋烏程閔齊伋遇五父裁注

浙江圖書



國語第九

越

越王句踐棲於會稽之上官乃號令於三軍曰凡我

父兄昆弟及國子姓有能助寡人謀而退吳者吾

與之共知越國之政大夫種進對曰臣聞之賈人

夏則資皮冬則資絺精理消法旱則資舟勅水則資車以待乏

也夫雖無四方之憂然謀臣與爪牙之士不可不

養而擇也譬如小蓑笠時雨既至必求之今君王既

棲於會稽之上然後乃求謀臣無乃後乎句踐曰

二卷俱紀越
報吳事而此
篇特為簡勁
事首尾眼具
論語為不同
想由所借書
異中所以觀
文之優

蓑一作哀

辭命

精工謀吳法
然却勁快

黃池劫盟即
此故智

苟得聞子大夫之言何後之有執其手而與之謀

遂使之行成於吳曰寡君句踐乏無所使使其下

臣種不敢徹聲聞於天王私於下執事曰寡君之

師徒不足以辱君矣願以金玉子女賂君之辱請

句踐女女於王大夫女女於大夫士女女於士越

國之寶器畢從寡君帥越國之衆以從君之師徒

唯君左右之若以越國之臯為不可赦也將焚宗

廟係妻孥沈金玉於江有帶甲五千人將以致死

乃必有偶是以帶甲萬人以事君也無乃即傷君

王之所愛乎。與其殺是人也。寧其得此國也。其孰利乎。夫差將欲聽與之。成子胥諫曰。不可。夫吳之與越也。仇讎敵戰之國也。三江環之。民無所移。有吳則無越。有越則無吳。將不可改。於是矣。負聞之。陸人居陸。水人居水。夫上黨之國。我攻而勝之。吾不能居其地。不能乘其車。夫越國。吾攻而勝之。吾能居其地。吾能乘其舟。此利也。不可失也。已。君必滅之。失此利也。雖悔之。亦無及已。越人飾美女。八人納之。大宰嚭曰。子苟赦越國之辜。又有美於此。

者將進之。大宰嚭諫曰：嚭聞古之伐國者，服之而已。今已服矣，又何求焉？夫差與之成而去之，句踐說於國人曰：寡人不知其力之不足也，而又與大國執讎，以暴露百姓之骨於中原，此則寡人之臯也。寡人請更。於是葬死者，問傷者，養生者，弔有憂賀有喜，送往者，迎來者，去民之所惡，補民之不足。然後卑事夫差，宦士三百人於吳，其身親爲夫差前馬，句踐之地南至於句無，北至於禦兒，東至於鄞，西至於姑蔑，廣運百里，乃致其父兄昆弟而誓。

于斤
迷結

之曰寡人聞古之賢君四方之民歸之若水之歸
下也今寡人不能將帥二三子夫婦以蕃命壯者
無取老婦令老者無取壯妻女子十七不嫁其父
母有皐丈夫二十不取其父母有皐將免者以告
公令醫守之生丈夫二壺酒一犬生女子二壺酒
一豚生三人公與之母生二人公與之餼當室者
死三年釋其政支子死三月釋其政必哭泣葬埋
之如其子令孤子寡婦疾疹意貧病者納宦其子其
達士潔其居美其服飽其食而摩厲之於義四方

之士來者必廟禮之。句踐載稻與脂於舟以行國
之孺子之游者無不饋也。無不歡也。必問其名非
其身之所種則不食非其夫人之所織則不衣十
年不收於國民居有三年之食國之父兄請曰昔
者夫差恥吾君於諸侯之國今越國亦節矣請報
之。句踐辭曰昔者之戰也非二三子之臯也寡人
之臯也如寡人者安與知恥請姑無庸戰父兄又
請曰越四封之內親吾君也猶父母也子而思報
父母之仇臣而思報君之讎其有敢不盡力者乎

請復戰扶又旬踐既許之乃致其衆而誓之曰寡人聞古之賢君不患其衆之不足也而患其志行之少恥也今夫差衣水犀之甲者億有三千不患其志行之少恥也而患其衆之不足也今寡人將助天滅之吾不欲匹夫之勇也欲其旅進旅退也進則思賞退則思刑如此則有常賞進不用命退則無恥如此則有常刑果行國人皆勸父勉其子兄勉其弟婦勉其夫曰孰是君也而可無死乎是故敗吳於圍又敗之於沒又郊敗之夫差行成曰寡人

白音鈞內傳
作九具切
禮先一飯將
死自解之辭
言已嘗君臨
勾踐而制有
越國今雖敗
亡却先勾踐
一着

之師徒不足以辱君矣。請以金玉子女賂君之辱。
勾踐對曰：昔天以越賜吳，而吳不受。今天以吳予
越，越可以無聽天之命，而聽君之令乎？吾請達王
甬，勾東。吾與君為二君乎？夫差對曰：寡人禮先壹
飯矣。君若不忘周室而為敵邑宸宇，亦寡人之願
也。君若曰：吾將殘女社稷，滅女宗廟，寡人請死。余
何面目以視於天下乎？越君其次也。遂滅吳。

山處曰：棲號令三軍而言父兄昆弟者，方在危
阨親而呼之，國子姓年在衆子同姓之列者，進
女為女女，偶對也。言致死則必有對，赦越辜是
得帶甲萬人以事君矣。民無所移言非吳則越

得帶甲萬人以事越。吳民無所移言。非吳則越。

也。黨所也。上所之國。謂中國。前馬。前驅在馬前也。諸暨有句無亭。嘉興有語兒鄉。即禦兒也。姑篾。今太湖。東西為廣。南北為運。言取境內近者。百里之中耳。蕃息也。免乳也。母乳母也。當室適子。支子。庶子。宦仕也。任其子而教之。廩以食之也。廟禮。禮之於廟。告先君也。稻糜。脂膏也。少恥。謂進不念功。臨難苟免。億有三千。言多也。旅。俱也。孰是君。言誰有恩惠如是君者。禮先壹飯。言已年長於越王。覺差一飯之間。欲以少長求免也。宸。屋霽。宇邊也。喻庇覆吳也。次。舍也。

越王句踐即位三年而欲伐吳。范蠡進諫曰。夫國

家之事。有持盈。有定傾。有節事。王曰。為三者奈何。

范蠡對曰。持盈者與天。定傾者與人。節事者與地。

王不問。蠡不敢言。天道盈而不溢。盛而不驕。勞而

舊本分此以下為下卷。蓋當時見闕不一。故著書者兩存之。柳宗元曰。越之下篇尤奇峻。而其事多雜。蓋非出於左氏。吾乃今

知文之可以
行於遠也
彼庸藏奇惟
之語而黼黻
之金石之用
震曜後世之
耳目而讀者
莫之或非反
謂之近經則
知文者可不
慎耶

麻苴作非但
解乃有政

或言猶言貳
心故曰吾已
斷之註非

國語

不矜其功。夫聖人隨時以行，是謂守時。天時不作，
弗為。人客，人事不起，弗為之始。今君王未盈而溢，
未盛而驕，不勞而矜其功。天時不作，而先為人客，
人事不起，而創為之始。此逆於天而不餘於人。王
若行之，將妨於國家。靡王躬身，王弗聽。范蠡進諫，
曰：夫勇者，逆德也；兵者，凶器也；爭者，事之末也；陰
謀，逆德也；好用凶器，始於人者，人之所卒也；淫佚之
事，上帝之禁也。先行此者，不利。王曰：無是貳言也。
吾已斷之矣。果興師而伐吳，戰於五湖，不勝，棲於

國語一書深
厚渾樸周魯
尚矣如其妙
理瑋辭驟讀
之而心驚潛
玩之而味永
還須以此歷
卷

晚說

會稽王召范蠡而問焉曰吾不用子之言以至於
此爲之奈何范蠡對曰君王其忘之乎持盈者與
天定傾者與人節事者與地王曰與人奈何范蠡
對曰卑辭尊禮玩好女樂尊之以名如此不已又
身與之市王曰諾乃令大夫種行成於吳曰請士
女女於士大夫女女於大夫隨之以國家之重器
吳人不許大夫種來而復往曰請委管籥屬國家
以身隨之君王制之吳人許諾王曰蠡爲我守於
國范蠡對曰四封之內百姓之事蠡不如種也四

封之外，敵國之制立，斷之事種亦不如蠡也。王曰：諾。令大夫種守於國，與范蠡入宦於吳。三年而吳

人遣之歸。反至於國王，問於范蠡曰：節事奈何？范

蠡對曰：節事者與地唯。地能包萬物，以爲一。其事

不失，生萬物，容畜禽獸，然後受其名而兼其利。美

惡皆成，以養生時不至，不可彊生事，不究不可彊

成。自若以處，以度天下，待其來者而正之，因時之

所宜而定之，同男女之功，除民之害，以避天殃。田

野開闢，府倉實，民衆殷，無曠其衆，以爲亂。梯時將

務為遠論
務又多用
自別圖末一
種文字

暢論地德可
作一篇坤元
賦

此下是與地
之意

詳論

因以為常因
彼國之德虐
以為常而我
無預設之形

有○反○事○將○有○閒○必○有○以○知○天○地○之○恒○制○乃○可○以○有○
天○下○之○成○利○事○無○閒○時○無○反○則○撫○民○保○教○以○須○之○
王○曰○不○穀○之○國○家○蠡○之○國○家○也○蠡○其○圖○之○范○蠡○對○
曰○四○封○之○內○百○姓○之○事○時○節○三○樂○不○亂○民○功○不○逆○
天○時○五○穀○稔○孰○民○乃○蕃○滋○君○臣○上○下○交○得○其○志○蠡○
不○如○種○也○四○封○之○外○敵○國○之○制○立○斷○之○事○因○陰○陽○
之○恒○順○天○地○之○常○柔○而○不○屈○彊○而○不○剛○德○虐○之○行○
因○以○為○常○死○生○因○天○地○之○刑○天○因○人○聖○人○因○天○人○
自○生○之○天○地○形○之○聖○人○因○而○成○之○是○故○戰○勝○而○不○

○物○音○險○謬○

此下徽首尾
尚為一章

報○取○地○而○不○反○兵○勝○於○外○福○生○於○內○用○力○甚○少○而○
名○聲○章○明○種○亦○不○如○蠡○也○王○曰○諾○令○大○夫○種○為○之○

與天法天也。與人取人之心也。與地法地也。靡
損也。始於人者。人之所卒。言始以伐人。人終害
之也。貳言陰謀淫佚之。二言也。五湖。今太湖。身
與之市。謂以身隨之。以為一。不偏也。不失。不失
時也。受其名。受其功名也。兼其利。萬物終歸於
地也。自若。無妄動也。功。農穡絲枲之功。反。還也。
三樂。三時之務。使之勤事樂業也。稯。和也。德。虐
之行。因以為常。唐尚書云。言無德行虐。習以為
常。昭謂德有所懷柔。及爵賞也。虐。謂有所斬
伐及黜奪也。以為常。以為常法也。刑法也。

四年王召范蠡而問焉曰先人就世不穀即位吾
年既少未有恒常出則禽荒入則酒荒吾百姓之

不圖惟舟與車。上天降禍於越，委制於吳。吳人之

那，不穀亦又甚焉。吾欲與子謀之，其可乎？范蠡對

曰：未可也。蠡聞之，上帝不考。時反是守疆索者，不

祥得時不成，反受其殃。失德滅名，不走死亡。有奪

有子，有不予。王無蚤圖，夫吳君王之吳也。王若蚤

圖之，其事又將未可知也。王曰諾。

那於也。甚焉言見困苦也。考成也。天未成越。當守天時。天時反。乃可以動耳。得天時而人弗能成。則反受其殃。夫差克越。可取而不取。後反見滅。是也。有奪予而復奪也。有予天所授也。不予天所去也。

又一年王召范蠡而問曰吾與子謀吳子曰未可也今吳王淫於樂而忘其百姓亂民功逆天時信讒喜優憎輔遠弼聖人不出忠臣佳責解骨皆曲相御○句○法○莫適相非上下相偷其可乎范蠡對曰人事至矣天應未也王姑待之王曰諾

賈唐二君云解骨子胥伏屬鏤也昭謂此時子胥未死言體骨解倦不復念忠耳御猶將也

又一年王召范蠡而問焉曰吾與子謀吳子曰未可也今申胥驟諫其王王怒而殺之其可乎范蠡對曰逆節萌生天地未形而先為之征其事是以

不成雜受其刑。王姑待之。王曰諾。

未形天地之占未見也。征征伐雜猶俱也。刑害也。

又一年王召范蠡而問焉。曰吾與子謀吳。子曰未

可也。今其稻蟹不遺種。其可乎。范蠡對曰天應至

矣。人事未盡也。王姑待之。王怒曰道固然乎。妄其

欺不穀邪。吾與子言人事。子應我以天時。今天應

至矣。子應我以人事。何也。范蠡對曰王姑勿怪。夫

人事必將與天地相參。然後乃可以成功。今其禍

新民恐其君臣上下。皆知其資財之不足以支長

善論

久也。彼將同其力，致其死，猶尚殆。王其且馳騁弋
獵，無至禽荒。宮中之樂，無至酒荒。肆與大夫觴飲，
無忘國常。彼其上將，薄其德，民將盡其力。又使之
望而不得食，乃可以致天地之殛。王姑待之。

上將薄其德，民將盡其力。言吳王見越馳騁射
獵，不以爲意，必不修德，而縱私好，以盡民力也。
望而不得食，怨望於
上，而天又奪之食也。

至於玄月，王召范蠡而問焉，曰：「諺有之曰：『觥飯不
及壺殮，今歲晚矣。』子將奈何？」范蠡對曰：「微君王之
言，臣固將謁之。臣聞從時者，猶救火追亡人也。蹶

而趨之唯恐弗及。王曰：諾。遂與師伐吳。至於五湖。吳人聞之，出挑戰。一日五反。王弗忍，欲許之。范蠡進諫曰：謀之廊廟，失之中原，其可乎？王姑勿許也。臣聞之：得時無怠，時不再來。天子不取，反爲之災。羸縮轉化，後將悔之。天節固然，唯謀不遷。王曰：諾。弗許。范蠡曰：臣聞古之善用兵者，羸縮以爲常。四時以爲紀，無過天極，究數而止。天道皇皇，日月以爲常。明者以爲法，微者則是行。陽至而陰，陰至而陽。日困而還，月盈而匡。古之善用兵者，因天地之

常與之俱行。後則用陰。先則用陽。近則用柔。遠則用剛。後無陰蔽。先無陽察。用人無藝。往從其所。剛彊以禦。陽節不盡。不死其野。彼來從我。固守勿與。若將與之。必因天地之災。又觀其民之饑飽勞逸。以參之。盡其陽節。盈吾陰節。而奪之。宜爲人客。剛彊而力疾。陽節不盡。輕而不可取。宜爲人主。安徐而重固。陰節不盡。柔而不可迫。凡陳之道。設右以爲此。益左以爲牡。蚤晏無失。必順天道。周旋無究。今其來也。剛彊而力疾。王姑待之。王曰。諾。弗與戰。

壽命

直而婉淺而

還音旋或如字

俞或作愈

章注

居軍三年吳師自潰吳王帥其賢良與其重祿以

上姑蘇使王孫雄行成於越曰昔者上天降禍於

吳得臯於會稽今君王其圖不穀不穀請復會稽

之蘇王弗忍欲許之范蠡進諫曰臣聞之聖人之

功時為之庸得時弗成天有還形天節不遠五年

復反小凶則近大凶則遠先人有言曰伐柯者其

則不遠今君王不斷其忘會稽之事乎王曰諾不

許使者往而復來辭俞卑禮俞尊王又欲許之范

蠡諫曰孰使我蚤朝而晏罷者非吳乎與我爭三

與前若相後

天與不與後文

抱音乎或音
子

江五湖之利者非吳邪夫十年謀之一朝而棄之
其可乎王姑勿許其事將易冀已王曰吾欲勿許
而難對其使者子其對之范蠡乃左提鼓右援袍
以應使者曰昔者上天降禍於越委制於吳而吳
不受今將反此義以報此禍吾王敢無聽天之命
而聽君王之命乎王孫雄曰子范子先人有言曰
無助天爲虐助天爲虐者不祥今吾稻蟹不遺種
子將助天爲虐不忌其不祥乎范蠡曰王孫子昔
吾先君固周室之不成子也故濱於東海之陂龜

鼃魚鼃之與處而鼃蛙龜之與同階渚余雖覲禮然而人
面哉吾猶禽獸也又安知是譏譏者乎王孫雄曰
子范子將助天爲虐助天爲虐不祥雄請反辭於
王范蠡曰君王已委制於執事之人矣子往矣無
使執事之人得辜於子使者辭反范蠡不報於王
擊鼓興師以隨使者至於姑蘇之宮不傷越民遂
滅吳反至五湖范蠡辭於王曰君王勉之臣不復
入於越國矣王曰不穀疑子之所謂者何也范蠡
對曰臣聞之爲人臣者君憂臣勞君辱臣死昔者

今本作人

君王辱於會稽臣所以不死者爲此事也今事已
 濟矣後法蠡請從會稽之罰王曰所不掩子之惡揚子
 之美者使其身無終沒於越國子聽吾言與子分
 國不聽吾言身死妻子爲戮范蠡對曰臣聞命矣
 君行制臣行意遂乘輕舟以浮於五湖莫知其所
 終極王命工以良金寫范蠡之狀而朝禮之浹日
 而令大夫朝之環會稽三百里者以爲范蠡地曰
 後世子孫有敢侵蠡之地者使無終沒於越國皇
 天后土四鄉地主正之

爾雅曰。九月爲玄月。觥。大也。盛饌未具。不及壺
殮之。救饑疾。言已欲滅吳。以快意得之而已。不
能待有餘力也。弗忍。不忍其忿也。以爲常隨其
羸縮也。紀。猶法也。四時有轉運。用兵有利鈍也。
明。謂日月盛滿時也。微。謂虧損薄食也。法其明
者以進取。行其微時以隱遁。困。窮也。匡。虧也。後
後動。先。先動也。用陰。謂沈重固密。用陽。謂輕疾
猛厲。敵近則用柔順。示之以弱。遠則抗威厲辭。
以亢禦。後動者泰舒靜。爲陰蔽。先動者泰顯露。
爲陽察。莛。射的也。無莛。無常所也。行軍用人之
道。因敵爲制。不豫設也。故曰往從其所。剛彊以
禦。言敵以剛彊來禦已。其陽節未盡。尚未可克。
故曰不死其野。勿與。勿與之戰也。因天地之災
言彼有災變。則可與戰耳。先動爲客。於時宜爲
人客。剛彊力疾。陽數未盡。雖輕易人。猶不可得
取也。時宜爲主人。安徐重固。陰數未盡。雖柔不
可困迫也。陳有牝牡。使相受也。無究。無窮。若日
月然也。不成子言越本蠻夷小國。於周室爵列

不能成子也。水邊曰隋。談談巧辯之言。反辭於王。謂以辭告越王。從甲至甲為浹日。浹。匝也。

注國語者漢有鄭眾賈逵魏有王肅吳有虞翻

唐固韋昭晉有孔晁歷世久多所散佚其以全

書傳者獨韋氏解耳弘嗣因鄭賈之精確採虞

唐之博瞻輯而成書患不在寡若之汰之或者

有所未盡與夫眩精猶以了義當不厭詳期指

點而會心宜掣其要竊不自量輒為裁注如右

皇明萬曆己未長至日烏程閔齊伋遇五父識





浙江圖書館

浙江圖書館善本

全一冊

一九五一年





浙 江 圖 書 館




浙江圖書館




浙江圖書館善本


甲 登記號： 32584

一九 年 月 日

八〇
濟
京







Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black